

Ժողովուրդ

162
(2642)

11 նոյեմբերի ուրբաթ 2022
տպագրության ժԱ տարի

✉ ք. Երևան, Արվյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 132



ՆԻԿՈՒ ՓԱՇԻՆՅԱՆ

ՀՀ ՎԱՐՉԱՊԵՏ



ՎԼԱԴԻՄԻՐ ՊՈՒՏԻՆ

ՌԴ ՆԱԽԱԳԱՀ

ՀՀ վարչապետ Նիկոլ Փաշինյանը մանիպուլյատիվ եւ ակնհայտ կեղծ տեղեկություններ է հայտնում ոչ միայն ելույթ ունենալիս կամ հարցազրույց տալու ժամանակ, այլ նաեւ պաշտոնական հաղորդագրությունների միջոցով: Խոսքը հատկապես կարեւոր նշանակություն ունեցող հանդիպումներից հետո տարածվող տեղեկատվությունների մասին է: Օրինակ՝ 2021 թվականի նոյեմբերի 16-ի երեկոյան՝ Ախ Նիստից հետո, տեղեկություն տարածվեց, որ վարչապետ Նիկոլ Փաշինյանը հեռախոսազրույց է ունեցել Ռուսաստանի Դաշնության նախագահ Վլադիմիր Պուտինի հետ: Հեռախոսազրույցից հետո՝ երկու կողմերի տարածած պաշտոնական հաղորդագրությունները համեմատելիս, պարզվեց, որ Փաշինյանը Կրեմլի ռեկիզիտարներով ռեկիզ է տարածել: Օրինակ՝ հայկական կողմը մոռացել էր հիշատակել, որ հեռախոսազրույցի նախաձեռնությունը հենց Փաշինյանինն է, ինչպես նաեւ մոռացել է ընդգծել, որ ձեռք է բերվել շփումները շարունակելու համաձայնություն: Փոխարենը հայկական կողմի տարածած հաղորդագրության մեջ խոսվում է Փաշինյանի կողմից ադրբեջանցիների հարձակումը ագրեսիա որակելու եւ հայ-ռուսական ռազմավարական համագործակցության հույժ կարելության մասին, ինչպես նաեւ վերահաստատվում է հայկական կողմի հավատարմությունը ստորագրած կապիտուլյացիոն ակտի կետերի նկատմամբ: Այսինքն՝ ստացվում է՝ նա ոչ միայն հարցազրույցներ տալիս եւ ելույթներ ունենալիս է կեղծ տեղեկություններ փոխանցում, այլեւ այդպես է անում աշխատակազմի միջոցով:

Շրջակա միջավայրի նախարարության անտառային կոմիտեի «Հայանտառ» ՊՈԱԿ-ում արշալույսներն այդքան էլ խաղաղ չեն: «Ժողովուրդ» օրաթերթը տեղեկացավ, որ ՇԱ ներկա նախարար Հակոբ Սիմոնյանի այստեղ նշանակած կադրերը պայքարում են նախկին նախարար Ռոմանոս Պետրոսյանի նշանակած կադրերի դեմ: «ՊՈԱԿ-ում, այսպես ասած, կադրերի ջարդ է. Սիմոնյանի կադրերը հանդուրժել չեն կարողանում Պետրոսյանի կադրերին: Նոր «իշխանավորները» հներից (իրականում, սակայն, իրենց իսկ թիմակիցներից) ուզում են ազատվել ու դա անում են բացահայտ, ակնառու ձեռով, ինչը նկատելի է մյուս աշխատակիցների համար նույնպես»,- ասաց թե՛ Անտառային կոմիտեի, թե՛ դրա ենթակայության գործող «Հայանտառ» ՊՈԱԿ-ի նիստուկացին բավականին քաջատեղյակ մեր գրուցակիցը: Անտառային կոմիտեից որպես մեկնաբանություն մեզ ասացին, որ իրենց մոտ «արշալույսները շատ էլ խաղաղ են, լարված մթնոլորտ չկա»: Ի դեպ, նշենք, որ նույն քաղաքականությունը նաեւ նախկին նախարար Պետրոսյանն էր բանեցնում փորձելով ազատվել իրենից առաջ նշանակված կադրերից: «Ժողովուրդ» օրաթերթը փաստաբան Մարատ Ատոմյանից տեղեկացավ, որ Ռոմանոս Պետրոսյանի պաշտոնավարման օրոք ազատված աշխատակիցներն այժմ 90 տոկոս դեպքերում հարթում են դատարաններում:



Երեւանի փոխքաղաքապետ Տիգրան Ավինյանի՝ դեռեւս հոկտեմբերի 8-ին Աջափնյայի բնակիչների հետ ունեցած հանդիպումն այդքան էլ հարթ չի անցել: «Ժողովուրդ» օրաթերթը տեղեկացավ, որ Ավինյանին անանկալի է բերել հանգամանքը, որ, ի թիվս աջափնյայիցիների, իր հետ հանդիպման է գնացել նաեւ Կոնդի մի բնակչուհի, որ կոնկրետ պատասխաններ ստանալու ակնկալիքով բավականին սուր հարցեր է ուղղել նախկին փոխվարչապետին: «Ժողովուրդ» օրաթերթը տեղեկացավ, որ կոնդեցի տիկին Նաիրան է եղել այդ բնակչուհին, որ Ավինյանին հիշեցրել է, թե ինչպես էր վերջինս դեռեւս փոխվարչապետ եղած ժամանակ խոստանում զբաղվել Կոնդի վերաբնակեցման ու վերակառուցման հարցերով, այնինչ արդեն 4 տարի սալը տեղից չի շարժվում, եւ Կոնդի խնդիրները միայն ավելանում են: Միջադեպի մասով մենք Երեւանի քաղաքապետարանի լրատվական ծառայությունից մեկնաբանություն խնդրեցինք: Պատասխանի փոխարեն՝ վերոնշյալ այցի մասին պատմող գեղեցիկ ու բարի ռեպորտաժ ուղարկեցին մեզ, որտեղ, բնականաբար, տիկնոջ ու Ավինյանի խոսակցությունը ոչ ամբողջական էր, մոնտաժված տարբերակով էր ներկայացված: «Ժողովուրդ» օրաթերթի հետ զրույցում տիկին Նաիրան նշեց, որ բավականին դժգոհ է այդ հանդիպումից, ապա շարունակեց. «Ավինյանը փոխվարչապետ եղած ժամանակ էլ ասաց, որ Կոնդով զբաղվում է, կառուցապատման ծրագիր կա, այսինքն՝ կառուցապատում պետք է լիներ, բայց երբ ժամանակը եկավ, որ պետք է ասեին՝ ով է հարթողը, ու երկրորդ փուլին անցնեին, այդպես էլ տեղի չունեցավ: Նրա հանդիպումից հետո հասկացա, որ քաղաքապետարանը Կոնդի հետ կապված հարցերում որոշ մարդկանց հետ համագործակցում է, դրա համար էլ ամեն անգամ այսպես հետաձգվում է: Ես իր հետ խոսում էի, նայում էի աչքերի մեջ, նա լուռ լսում էր, բայց որեւէ կերպ չէր արձագանքում: Ինքն իր համար յոթերորդ երկնքում էր, ես էլ իր համար «աղքատի ռադիո» ասես լինեի»,- դժգոհեց Կոնդի խաբված բնակչուհին:



Սեպտեմբերյան եսկալացիան երկարացրել է ՀՀ կրթության, գիտության, մշակույթի եւ սպորտի նախարար Վահրամ Դումանյանի գործունեության ժամկետը: «Ժողովուրդ» օրաթերթի տեղեկությունների համաձայն՝ 2022 թվականի սեպտեմբերի 12-ի-13-ի հարձակումից առաջ ՀՀ Ազգային ժողովի «Քաղաքացիական պայմանագիր» խմբակցության պատգամավոր, Գիտության, կրթության, մշակույթի, սփյուռքի, երիտասարդության եւ սպորտի հարցերի մշտական հանձնաժողովի նախագահ Սիսակ Գաբրիելյանը հանդես է եկել ԿԳՄՍ նախարար Վահրամ Դումանյանի դեմ մի յուրօրինակ նախաձեռնությամբ: Նա, որ մշտապես բողոքում է ԿԳՄՍ նախարար Դումանյանի գործունեությունից, նաեւ ստորագրահավաք է արել՝ շուրջ 20 պատգամավորների մասնակցությամբ, որպեսզի գործադիր մարմինը նախարարի պաշտոնազրկման գործընթաց սկսի: Երկրում սահմանային լարված իրավիճակով պայմանավորված՝ գործընթացն իր վերջնարդյունքին չի հասել: Այս առիթով «Ժողովուրդ» օրաթերթը կապ հաստատեց Աժ պատգամավոր Սիսակ Գաբրիելյանի հետ, որը, մեր հարցադրումներին ի պատասխան, հակիրճ ասաց. «Չեմ տեղեկություններն իրականությանը չեն համապատասխանում»:



ՔԱՂԱՔԱԿԱՆ

ՊԱՏՐԱՍ Է ԼՍԵԼ

«ԻՆՉ ՄԵՂԱԳՐՈՒՄ ԵՆ ԿԱՌՈՒՑԵԼՈՒ ՎԱՄԱՐ» Գ. ԾԱՌՈՒԿՅԱՆ

Քլից գրույց «Քարգավաճ Հայաստան» կուսակցության նախագահ Գագիկ Ծառուկյանի հետ:

«Պարոն Ծառուկյան, վերջին շրջանում հատկապես Ձեր նկատմամբ քննադատությունների հոսքը մեծացել է. հողվածներ են հրապարակվում, տարբեր ակտիվիստներ նույնիսկ դատական հայցերով են Ձեզ սպառնում կապված Ձեր կողմից կառուցվող այն կամ այն նախագծի հետ: Ինչո՞վ էք սա բացատրում, եւ ի՞նչ միտումների մասին է սա խոսում:



«Եթե ուշադրություն եք դարձրել, ինձ մեղադրում են մեկ բանում՝ կառուցելու համար՝ Ծառուկյանը սա է կառուցում, մյուսն է կառուցում: Անընդհատ այդ «կառուցել» բառն է, ուրիշ բան չկա, այսինքն՝ ստացվում է, որ մեր երկրում կառուցելը հանցանք է: Բա այդ դեպքում ո՞նց եք պատկերացնում պետության վերականգնումը, պետության զարգացումը: Ո՞նց են պատկերացնում աղքատության կրճատումը, աշխատատեղերի ստեղծումը, բյուջեի մեծացումը, թոշակների ու աշխատավարձերի ավելացումը: Ես ամբողջ կյանքս կառուցել եմ դպրոցներ, մանկապարտեզներ, եկեղեցիներ, ճանապարհներ, գործարաններ, հյուրանոցներ: Դրանք Հայաստանում են, ու այնտեղ աշխատում են մեր հայրենակիցները, գուցե նաեւ այդ հողվածագիրների, ակտիվիստների, նրանց պատվիրատուների հարգատեղերը:

«Իսկ հնարավոր է, որ Ձեր դեմ սկսված արշավը ստիպի Ձեզ փոխել պլանները:
«Արշավ ասածն էլ մի մեծ բան չէ: Գրում են, խոսում են, ի՞նչ ասեմ, դա էլ իրենց իրավունքն է, բայց մի օր կազմակերպելու են այդ ակտիվիստների, հողվածագիրների համար էքսկուրսիա որեւէ գործարան: Թող իրենց աչքով տեսնեն՝ ինչ է ռեալ աշխատանքը, ինչպես են այնտեղ հարյուրավոր մարդիկ իրենց արդար քրտինքով վաստակում, արդար քրտինքով «պրեմիաներ» ստանում ու ընտանիքները պահում: Ինձ մոտ տպավորություն է, որ այդ ակտիվիստները իրական կյանքը չգիտեն՝ ինչ բան է, չեն պատկերացնում

«Եթե հարցին ավելի լայն նայենք, ապա հարցը ո՞չ Ծառուկյանն է, ո՞չ մյուսը, ո՞չ էլ երրորդ ինչ-որ մեկը, ամենակարեւորը մտածելակերպն է, սիրող մթնոլորտը: Այն երկրներում, որտեղ կառուցելը, ստեղծելը հարգված ու գնահատված գաղափար է, այդ երկրները զարգանում են, բարգավաճում, մարդիկ ապրում են լավ, իսկ որտեղ կառուցողի ու ստեղծողի հանդեպ չարամտում են, արհեստական խնդիրներ են ստեղծում, այդ երկրներում չի լինում ոչ մի զարգացում, լինում է միայն աղքատություն ու չքավորություն: Ես միշտ պատրաստ եմ լսել առաջարկներ, թե որտեղ ինչը կարելի է այլ կերպ անել, լավացնել, ինչպես եղավ Հիսուս Զրիստոսի արձանի դեպքում: Միշտ հարգանքով եմ վերաբերվում նման նախաձեռնություններին: Եթե այսօր լինեին այնպիսի առաջարկներ, որ կառուցվելիքը, մեր աշխատանքը ավելի լավը կդարձնեին բոլորի համար, ես սիրով կլսեի ու կընդունեի, իսկ այսպես տպավորություն է, թե նպատակն ուղղակի խանգարելն է:
Զրույցը ՆԱԻՐԱ ԳՈՎԱՆՆԻՍԱՆԸ

ՓՈՒՏԱՏՈՒՅՈՒՄ

ԿԱՌԱՎԱՐՈՒԹՅՈՒՆԸ ՈՐՈՇՈՒՄ Է ԿԱՅԱՑՐԵԼ

2020 թվականին հայաստանում ռազմական դրության եւ գորահավաքի քառակնեւում ռազմասրահայտային դաշակնություն ունեցող մարմիններից ներգրավվել են սրահայտային միջոցներ, որոնց ռազմական գործողությունների ժամանակ հասցվել է վնաս:
Այդ առթիվ կառավարությունը նոր որոշում է ընդունել, որը նույնպես ունի կարգավորել այդ հարաբերությունները:



«Գույքի գնահատման եւ աճուրդի կենտրոն» ՊՈԱԿ-ի կողմից գնահատման արդյունքներով դրական եզրակացություն է կայացվել թվով 26 ֆիզիկական եւ իրավաբանական անձանց փոխհատուցում տրամադրելու վերաբերյալ՝ ընդհանուր 71.021,6 ՀՀ դրամի չափով (26 տրանսպորտային միջոցներից 12-ն ընդհանրապես ոչնչացված են եւ առկա չեն, 2-ը կրել են այնպիսի վնաս, որը հնարավոր չէ վերականգնել նպատակային նշանակությամբ օգտագործելու համար, 12-ը վնասված վիճակով վերադարձվել են սեփականատերերին եւ կարող են օգտագործվել նպատակային նշանակությանը համապատասխան): Միաժամանակ, անհրաժեշտություն է առաջացել համապատասխան գումարը ՀՀ պաշտպանության նախարարությանը հատկացնել ՀՀ կառավարության 2022 թվականի պահուստային ֆոնդից: Այսպիսով, որոշմամբ 26 ֆիզիկական եւ իրավաբանական անձանց տրամադրվող փոխհատուցումների չափերն են հստակեցվում, նախատեսվում է անհրաժեշտ գումարը ՀՀ կառավարության պահուստային ֆոնդից ՀՀ պաշտպանության նախարարությանը հատկացնել:
Ն. ԳՈՎԱՆՆԻՍԱՆԸ

ԿՐԿԻՆ

ԳՈՐԾՈՒՂՈՒՄՆԵՐ

Ազգային ժողովի նախագահ Ալեն Սիմոնյանի հրամանով՝ խորհրդարանի մեծամասնության ղեկավարը «Քաղաքացիական պայմանագրի» պատգամավորները հերթական գործողություններին կմեկնեն: ArmLur.am-ը տեղեկացավ, որ Ղազախստանի Հանրապետությունում տեղի ունենալիք արտահերթ նախագահական ընտրություններին (ըստ երեւոյթին՝ դիտորդական առաքելությամբ) մասնակցելու համար այս տարվա նոյեմբերի 18-21-ը Աստանա կգործողվեն ԶՊ-ական պատգամավորներ Հովիկ Աղազարյանը, Նարեկ Ղահրամանյանն ու Վահարշակ Հակոբյանը:

Ետևս Կ Իրավական եւ մարդու իրավունքների հարցերի հանձնաժողովի նիստին մասնակցելու համար նոյեմբերի 13-14-ը Փարիզ՝ Ֆրանսիայի Հանրապետություն է մեկնելու Աժ պետական-իրավական հարցերի մշտական հանձնաժողովի նախագահ Վլադիմիր Վարդանյանը: Մեկօրյա այցից հետո Վարդանյանը մոտ տասն օր անց էլ՝ նոյեմբերի 23-26-ը, Ռեյկյավիկ՝ Իսլանդիայի Հանրապետություն կմեկնի՝ մասնակցելու Ետևս Կ մշտական հանձնաժողովի նիստին: Նշենք, որ Վլադիմիր Վարդանյանի գործողությունների հետ կապված բոլոր ծախսերը, այդ թվում՝ ճանապարհածախսերը, գիշերակացի ու օրապահիկի ծախսերը, ՀՀ պետությունից հաշվին են արվելու, իսկ Աստանա մեկնող ԶՊ-ականների մեկնման հետ կապված ծախսերից միայն գիշերակացի գումարն է ԱՊՀ միջխորհրդարանական վեհաժողովը հոգալու:
ՍԵՎԱԿ ՎՍՊՊՈՒՅԱՆ

ՆԻՍՏԵՐ ԶԵՆ ՀՐԱՎԻՐՎՈՒՄ

Ազգային ժողովի 2020 թվականի սեպտեմբերի 27-ին ասանազերծված ռազմական գործողությունների հանգամանքների ուսումնասիրման նպատակով ստեղծված քննիչ հանձնաժողովը, «Ժողովուրդ» օրաթերթի տեղեկություններով, տեսական ժամանակ է նիստեր չի անում եւ մարդկանց չի հրավիրում լսելու, բացահայտումներ անելու: Բանն այն է, որ ՀՀ պաշտպանության նախարարությունը հանձնաժողովին մեծ թվով փաստաթղթեր է ուղարկել, որոնք ուսումնասիրման ենթակա են: Եվ հենց դա է պատճառը, որ տեսական ժամանակ է նիստեր չեն հրավիրվում, քանի որ հանձնաժողովի փորձագետները չեն հասցրել այդքան մեծ ծավալի փաստաթղթերն ուսումնասիրել հետագա գործընթացները կազմակերպելու համար: Մյուս կողմից՝ նկատելի է, որ այստեղ խնդիրը ոչ միայն ժամանակն է, այլև այդ հանձնաժողովի անդամների եւ փորձագետների պրոֆեսիոնալիզմը, քանի որ հանձնաժողովը կառուցված է բացառապես իշխանության անդամներից, իսկ իշխանական գործիչները իրենց ոչ պրոֆեսիոնալիզմով վաղուց են հայտնի: Ու թեւեւ տեսական ժամանակ է ոչինչ չի արվում, այնուամենայնիվ, հանձնաժողովի գործունեության ժամկետն է սպառվում: Իհարկե, մի անգամ այդ ժամկետը վեց ամսով երկարացվել է եւ, ըստ էության, 2020 թվականի սեպտեմբերի 27-ին ասանազերծված ռազմական գործողությունների հանգամանքների ուսումնասիրման նպատակով ստեղծված քննիչ հանձնաժողովի գործողության ժամկետի ավարտին քիչ ժամանակ է մնացել՝ ընդամենը 5 ամիս: Ինչ կհասցնեն պարզել այդ ժամանակում:

ՀԱՍԱՐԱԿՈՒԹՅՈՒՆ

ՄԱՐԶ

ԲԵՐԴԻ ՆՈՐ ՀԱՍԱՅՆՔԱՊԵՏԸ

Նոյեմբերի 10-ի վաղ առավոտյան ձերբակալվել է Բերդ խոշորացված համայնքի ղեկավար Յարոսլավ Մանուչարյանը...

ՆՈՐՈՓՄԱՆ ԱՃԻԱՏԱՆՔՆԵՐ

Ներկայումս Դիլիջան քաղաքում ընթանում են Հայաստան-Վրաստան միջպետական ավտոճանապարհի 5կմ երկարությամբ հատվածի հիմնանորոգման աշխատանքները...

ՈՍՎԻՆ ՍՈՐՈՑՅԱՆ Տավուշ

ԿԱՌԱՎԱՐՈՒԹՅԱՆ ՆԻՍՏ

ՄԱՐԶՊԵՏԱՐԱՆՆԵՐԻՆ ԳՈՒՄԱՐ ԿՏԱՆ

Armlur.am-ը ՀՀ կառավարության դաշնակա կայքից ժողովրդական քվեարկությամբ ընտրված արտահերթ մասին, որտեղ օրակարգի չգեկուցվող հարցերի քննարկում կառավարությունն ընդունել է մի քանի որոշումներ:

Գործադիրը որոշել է փոփոխություններ եւ լրացումներ կատարել «ՀՀ 2022թ. պետական բյուջեի մասին» ՀՀ օրենքում եւ համապատասխան որոշման մեջ եւ 1,449,852.0 հազար դրամ հատկացնել Արարատի, Արմավիրի, Լոռու, Շիրակի, Սյունիքի, Վայոց ձորի եւ Տավուշի մարզպետարաններին:



Բաղկացուցիչ ու համալրող մասերի, հումքի եւ (կամ) նյութերի նկատմամբ սակագնային, մասնավորապես՝ ներմուծման մաքսատուրքից: Նշված արտոնության կիրառումը կխթանի նոր ներդրումային ծրագրերի իրականացումը, աշխատատեղերի ստեղծումը, տեղական արտադրությունն ու արտահանումը:

սահմանափակման կարգավորումները «ԵԱՏՄ մասին» պայմանագրով սահմանված պահանջներին համապատասխանեցնելու անհրաժեշտությամբ, ինչը թույլ կտա ապահովել ապրանքների անխցընդոտ տեղաշարժը ԵԱՏՄ միասնական տնտեսական տարածքում:

Հավանություն է տրվել «Հայաստանի Հանրապետության կառավարության եւ Չինաստանի Ժողովրդական Հանրապետության կառավարության միջեւ տեխնիկատնտեսական համագործակցության մասին» համաձայնագիրը վավերացնելու մասին» ՀՀ օրենքի նախագծի մասին օրենսդրական նախաձեռնությանը եւ համաձայնագրում ամրագրված պարտավորությունների՝ ՀՀ Սահմանադրությանը համապատասխանությունը որոշելու նպատակով դիմել են Սահմանադրական դատարան:

Կառավարությունը որոշում է ընդունել ժնեի ազգագրության թանգարանին ցուցադրության համար երկու հայկական դուդուկ նվիրաբերելու մասին: Որոշումն ուղղված է համաշխարհային քաղաքակրթության համատեքստում հայկական հնագույն մշակութային ժառանգության միջազգային հանրահռչակմանը, ինչպես նաեւ մեր տարածաշրջանի հարեւան երկրների կողմից հայկական դուդուկի մշակութային պատկանելության հնարավոր յուրացման սպառնալիքների չեզոքացմանը:

Մեկ այլ որոշմամբ գործադիրը հավանություն է տվել «Պետական տուրքի մասին» ՀՀ օրենքում լրացումներ եւ փոփոխություններ կատարելու մասին» ՀՀ օրենքի նախագծին, որը սահմանված կարգով կներկայացվի Ազգային ժողով: Փոփոխությունները պայմանավորված են դեպի երրորդ երկրներ արտահանման

Գործադիրի որոշմամբ հաստատվել է ՀՀ-ում փախստական ճանաչված անձանց բնակարանային ապահովության ծրագիրը, որով հստակ սահմանվում են Հայաստանի Հանրապետությունում փախստական ճանաչված անձանց կացարանով ապահովման մեխանիզմները եւ միջոցները:

Ն.Գ.

ՄԵԿՆԱԲԱՆՈՒՄ Է

ԿՈՅՈՒՂԻՆ ԾԱԾԿԵԼ Է ԳԵՐԵԶՄԱՆԱՏԵՂԵՐԸ

Ներհին Չարբախի գերեզմանասան արածով է անցնում Երեւանի գլխավոր կոյուղասար համակարգը: Հսկայական խողովակների վնասվելու դաշնառով կոյուղաջուրը լցվել է հարակից գերեզմաններ ու ամբողջությամբ ծածկել: Գահճացած արածին մոտեցնելու անհնար է:

«Կոյուղու վնասվելու պատճառով մոտ 20 գերեզմանատեղի անցել է եղեգների տակ», - նշել է գերեզմանատան վարիչը: Խնդիրն ավելի քան տասը տարվա պատմություն ունի: Երեւանի քաղաքապետարանը նախաձեռնել էր տարածքի մաքրում, սակայն խողովակաշարի վերականգնումն ու կոյուղատարի սպասարկումը «Վեոլիա ջուր» ընկերության տիրույթում է:

Նատերերն էլ են պահանջում, որ այս խնդիրը լուծվի»,- ասել է գերեզմանատան վարիչ Սուրեն Ասպոյանը:

Կոյուղաջուրը նաեւ հոսել է հարակից մշակովի հողատարածքներ: Քաղաքապետարանը «Վեոլիա ջուր» ընկերության հետ նախաձեռնել է լուծել տասնամյակների խնդիրը: Այժմ ջրի հոսքը դադարեցվել է մինչեւ խնդրի վերջնական լուծումն ու տարածքի բարեկարգումը:

«Վեոլիա ջուր» ընկերությունն է պատրաստում, որ կոյուղաջուրը գերեզմանատեղիներ չհոսի, մինչեւ հետագայում իրենք մրցույթով խնդիրը լուծեն: Մեր կողմից էլ հետագայում հսկողություն կսահմանվի, որ այդպիսի դեպք չկրկնվի», - նշել է «Բնակչության հատուկ սպասարկում» ՀՈԱԿ-ի տնօրենի Ժ/պ Հրաչյա Նազարյանը:

Օրերը տաքանալուն պես գարշահոտությունն այստեղից տարածվում է հարակից բնակավայրեր: Բնակչության անվտանգության եւ քաղաքի բնապահպանական խնդիրը լուծելու համար քաղաքապետարանը պատրաստ է կիրառել հնարավոր բոլոր միջոցները:

«Ուզում ենք ճահճի չորացումից հետո մաքրել ու բացել տարածքը: Գերեզմանատեղիները եւ պահանջում, որ այս խնդիրը լուծվի»,- ասել է գերեզմանատան վարիչ Սուրեն Ասպոյանը:

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 1 մարդ զոհվել է, 22-ը՝ ստացել տարբեր աստիճանի մարմնական վնասվածքներ:



Էջը՝ ՈՂՋԱ ՊՈՂՈՍՅԱՆԻ

ՖԻՆԱՆՍՆԵՐ

ՀԱՐՑ. Ինչպե՞ս է ներկայացվում շահումով խաղերի կազմակերպման եւ անցկացման կանոնակարգը:

Կարեն Յավրյան (36 տարեկան)



ՊԱՏԱՍԽԱՆ.

Շահումով խաղի կազմակերպչի կողմից ներկայացված շահումով խաղի կազմակերպման եւ անցկացման կանոնակարգի կամ դրանում կատարվող փոփոխությունների, լրացումների համաձայնեցումն իրականացվում է՝ «Շահումով խաղերի, ինտերնետ շահումով խաղերի եւ խաղատների մասին» Հայաստանի Հանրապետության օրենքի համաձայն: Շահումով խաղի կազմակերպիչը շահումով խաղի կազմակերպման եւ անցկացման կանոնակարգը կամ դրանում կատարվող փոփոխությունները, լրացումները համաձայնեցնում է լիազոր մարմնի հետ նախքան դրանց կիրառումը՝ ներկայացնելով լիազոր մարմին երկու օրինակ: Լիազոր մարմինը 15-օրյա ժամկետում ընդունում է որոշում՝ կանոնակարգին, առաջարկվող փոփոխություններին, լրացումներին համաձայնություն տալու կամ դրանք մերժելու մասին: Եթե լիազոր մարմինն ընդունել է կանոնակարգին կամ դրա փոփոխություններին, լրացումներին վերապահումով համաձայնություն տալու մասին որոշում, ապա կազմակերպիչը պարտավոր է այդ որոշումը ընդունելուց հետո՝ 10 օրվա ընթացքում, լիազոր մարմին ներկայացնել ուղղված փաստաթղթերը, որից հետո լիազոր մարմինը 5-օրյա ժամկետում հայտատուին տրամադրում է լիազոր մարմնի հետ համաձայնեցված շահումով խաղի կանոնակարգի կամ փոփոխությունների, լրացումների համաձայնեցված մեկ օրինակը: Եթե կազմակերպիչը վերը նշված որոշումն ընդունելուց հետո՝ 10 օրվա ընթացքում, ուղղված փաստաթղթերը լիազոր մարմին չի ներկայացնում, ապա լիազոր մարմնի որոշումը՝ կանոնակարգին կամ դրա փոփոխություններին, լրացումներին վերապահումով համաձայնություն տալու վերաբերյալ, համարվում է չեղյալ:

ՀՀ ֆինանսների նախարարություն

«ԺՈՂՈՎՈՒՐԳ».

Շահումով խաղի կազմակերպիչը ներկայացնում է նաեւ շահագործման համար նախատեսված խաղային սարքավորումների ծագման սերտիֆիկատների պատճենները եւ շահումով խաղերի մասին տվյալները՝ համաձայն N 4 ձեւի, այն դեպքում, երբ փոփոխվում են շահումով խաղերի վերաբերյալ տվյալներ, որոնք չեն հակասում համաձայնեցված շահումով խաղերի կազմակերպման եւ անցկացման կանոնակարգին:

ԿՐԹՈՒԹՅՈՒՆ

ՀԱՐՑ. Ովքե՞ր կարող են օգտվել ուսման վարձի փոխհատուցման համար վճարված եկամտային հարկի գումարների վերադարձի հնարավորությունից:

Գայանե Կարապետյան (21 տարեկան)



ՊԱՏԱՍԽԱՆ.

Ուսման վարձի փոխհատուցման նպատակով վճարված եկամտային հարկի գումարների վերադարձի իրավունքից կարող են օգտվել ՀՀ-ում հավատարմագրված բարձրագույն ուսումնական հաստատությունների՝ կառավարության հաստատած մասնագիտություններով առկա ուսուցմամբ մագիստրատուրայում, ասպիրանտուրայում եւ օրդինատուրայում սովորող (ուսանող), վարձու աշխատող հանդիսացող ֆիզիկական անձինք: Նշված արտոնությունից կարող են օգտվել ՀՀ քաղաքացիները: Ընդ որում՝ վարձու աշխատող հանդիսացող ուսանողը կարող է օգտվել միայն մեկ մասնագիտություն ձեռք բերելու համար:

ՀՀ պետական եկամուտների կոմիտե

«ԺՈՂՈՎՈՒՐԳ».

ՀՀ կառավարության 2020 թվականի հունիսի 18-ի N 1035-Ն որոշմամբ հաստատված են ՀՀ-ում հավատարմագրված բարձրագույն ուսումնական հաստատությունների մագիստրատուրայի, ասպիրանտուրայի եւ օրդինատուրայի այն մասնագիտությունները, որոնցից որեւէ մեկով առկա ուսուցմամբ սովորողի (ուսանողի) աշխատավարձի եւ դրան հավասարեցված վճարումների մասով ՀՀ հարկային օրենսգրքով սահմանված կարգով հաշվարկված եկամտային հարկն ուսման վարձավճարի փոխհատուցման նպատակով վերադարձվում է:

ԼՈՒՐ ԿԱՂԻ

Լուսանկարն արվել է Երեւանում



Առավոտից Երեւանի փողոցները ողողված են Նիկոլ Փաշինյանի նկարով թռուցիկներով, որոնց վրա գրված է՝ դավաճան:

ArmLur.am-ի ֆոտոխցիկը ֆիքսել է թռուցիկները՝ գետնին թափված: Թե ովքեր են ակցիայի հեղինակները, հայտնի չէ:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 10.11.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: